



COMUNU DE DOMUS DE MARIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

SA COLÒNIA EST UNA DE IS CINCUS PLAJAS PRUS BELLAS DE S'ITÀLIA

Est noba de custas diis etotu ca su giorronali ingresu, famau e cun sei legali in Londra, in su report de dònna annu e cosa sua, apitzus de is plajas prus bellas de s'Europa, in su 2022 at arreconnotu sa plaja de “Sa Colònia” cumentu a una de is cincus plajas prus bellas de s'Itàlia.

Est un'arreconnoscimentu de importu mannu po nosu, in una bisioni de promotzioni turistica, culturali e archeologica, ma po fintzas de connoscèntzia de sa Costa de su Sud de sa Sardinia. Si fait onori s'arreconnoscimentu da parti de su giorronali e dunca s'eus a impinniai incora de prus po s'amparu de su territòriu costieru e de is logus marinus da chini ndi bolit approfita e da totus su chi podit strobai su paesàgiu marinu nostru ùnicu e de spantu.

Peri s'istitutzioni de s'Àrea Marina de Amparu de Cabu Spartiventu e de is àreas sic in mari, bòllia meda da s'Aministratzioni Comunali, eus a sighiri custu tretu de amparu e promotzioni de s'arena nostra, de is àguas nostra e de su territòriu.

Impari a s'impinniu de s'Aministratzioni Comunali, est de importu ca donniunu de nous ponit a menti sa bellesa naturali de su territòriu nostru.

In su link chi sighit fait a ligi, in lingua inglesa, s'artìculu dedicau a sa Plaja de Sa Colònia de Chia!

<https://www.theguardian.com/.../30/40-best-beaches-in-europe>